

治  
河  
全  
書

治河全書

卷之二十一

章奏

開揚橫等引河

築吳家莊月堤

修防得人

分析工程

詳議前疏

挑濬裏河

修高寶江堤工

修江都堤閘

修陸漫閘石工

修高郵滾壩

堵高郵二壩

開高郵壩下引河

兵部尚書兼都察院右都御史總督河道提督軍務臣張鵬翮謹  
題為急宜挑挖黃河灣曲引河事該臣看得黃河灣曲之處  
恭奉

上諭挑挖使直水流暢快則泥沙不淤仰見我

皇上洞鑒治河良法准到部文即轉行淮徐道副使施世綸淮  
揚道叅議王謙欽遵去後今據施世綸等將所屬應挑引  
河之處逐一詳估前來臣親往查勘分別緩急次第興挑  
惟徐屬之楊橫莊邳州之戚字堡桃源之談家口安東之  
汪家莊四處工程更為緊要急宜先挑引河約需土方工

料銀二萬七千三百五十八兩三錢三分請祈

勅部撥發錢糧以便一面乘時備挑俟挑伏二汛水長開放以  
保險工一面估計具

題其餘各處引河俟四引河告成之後相度形勢另行次第  
題請外理合恭疏具

題伏乞

皇上睿鑒勅部議覆施行等因於康熙三十九年十二月二十  
日題四十年正月二十四日奉

旨該部速議具奏欽此欽遵於正月二十五日抄出到部該臣

等議得河道總督張鵬翮疏稱黃河灣曲之處恭奉

上諭挑挖使直臣親往查勘分別緩急次第興挑惟徐屬之楊  
橫莊邳州之戚字堡桃源之談家口安東之汪家莊四處  
工程更為緊要急宜先挑引河約需土方工料銀二萬七  
千三百五十八兩三錢零析

勅部撥發錢糧以便一面乘時備挑俟挑伏二汛水長開放以  
保險工一面估計具題其餘各處引河俟四引河告成後  
相度形勢另行次第題請等因前來查徐屬楊橫莊等處  
該督既稱工程更為緊要急宜先挑引河等語應如所題

速行乘時備挑將需用錢糧移咨戶部撥給其餘各處引河該督既稱俟四引河告成後相度形勢另行次第題請等語應俟具題到日再議可也康熙四十年正月二十七日題本月二十八日奉

旨依議速行欽此欽遵移咨到臣准此隨經檄行該道速行各該廳領帑備挑並將需用工料錢糧估計造冊去後今據淮徐道副使施世綸詳稱本道逐工親勘造冊估計等因到臣據此該臣看得徐州楊橫莊邳州戚字堡桃源張家莊安東汪家莊急應各挑引河一道以保險工經臣具

題部覆應如所題速行乘時備挑將需用錢糧移咨戶部撥給奉

旨依議速行欽遵在案行據淮徐道副使施世綸詳稱徐州楊橫莊對岸引河估長一千八十丈挑深一丈三尺寬十丈至十六丈不等竝建迎水壩需用土方工料銀一萬二千一百一十兩九錢八分邳州城字堡對岸引河估長五百七十丈挑深一丈二尺寬十二丈至二十丈不等需用土方銀七千一百七十六兩六錢桃源談家口因挑汛黃河變遷大溜外行前估引河應行暫停而張家莊險工大溜

頂衝危險異常對岸顧家灣應估挑引河一道長九百二十丈挑深一丈寬八丈至十六丈不等需用土方工料銀七千二百六兩三分二釐即以估挑該家口引河之銀為張家莊引河之用查該家口引河約估銀六千三百兩今張家莊挑河築壩估用銀七千二百六兩三分二釐尚有不敷銀九百六兩三分二釐亦不敢再請錢糧即於戚字堡等三引河節省之內通融添用相機挑挖除原冊送部查覈外相應

題估伏乞

皇上睿鑒勅部議覆施行再查汪家莊引河因挑汎水長對岸  
沙嘴坍卸俟過伏汎相度形勢另疏具

題合併聲明等因康熙四十年五月二十七日題六月十五  
日奉

旨該部議奏欽此欽遵於六月十六日抄出到部該臣等議得  
先經河道總督張鵬翮將徐州楊橫莊邳州城字堡桃源  
談家口安東汪家莊四處應各挑引河一道等因具題經  
臣部覆准在案今據該督疏稱徐州楊橫莊對岸引河長  
一千八十丈并建迎水壩共估銀一萬二千一百一十兩

旨依議欽遵在案今據署淮徐道事淮揚道叅議王謙等詳稱  
邳州城字堡引河長五百七十丈原估銀七千一百七十  
六兩六錢今工完覈減實用土方銀六千三百七十九兩  
二錢節省銀七百九十七兩四錢徐州楊橫莊對岸引河  
長一千八十丈并迎水壩原估土方工料銀一萬二千一  
百一十兩九錢八分今工完覈減實用土方埽料銀一萬  
八百九十九兩八錢八分二釐節省銀一千二百一十一  
兩九分八釐桃源張家莊對岸顧家灣引河長九百二十  
丈并攔水埽壩原估銀七千二百六兩三分二釐係

題明動用該家口引河銀六千三百兩不敷銀兩於戚字堡  
等引河節省銀內通融添用今工完實用過土方埽料銀  
六千四百八十三兩一分二釐內除用該家口引河銀六  
千三百兩外添用戚字堡等引河節省銀一百八十三兩  
一分二釐竝無浮冒再查戚字堡楊橫莊二工共節省銀  
二千八兩四錢九分八釐內除顧家灣引河添用銀一百  
八十三兩一分二釐實存節省銀一千八百二十五兩四  
錢八分六釐等因冊詳前來臣覆覈無異除原冊送部查  
覈外相應具

題伏乞

皇上勅部覈銷施行等因康熙四十一年閏六月十二日題本  
月二十九日奉

旨著察覈工部知道欽此欽遵於七月初一日抄出到部該臣  
等議得河道總督張鵬翔疏稱邳州戚字堡挑引河長五  
百七十丈徐州楊橫莊對岸挑引河長一千八十丈桃源  
顧家灣挑引河長九百二十丈并建迎水攔水埝壩共用  
銀二萬三千七百六十二兩一錢八分零節省銀一千八  
百二十五兩四錢八分零並無浮冒等因前來查前項工

程用過銀兩該督既稱竝無浮冒等語應准開銷節省銀  
兩貯庫為河工之用可也康熙四十一年七月十七日題  
本月二十一日奉

旨依議

兵部尚書兼都察院右都御史總督河道提督軍務臣張鵬翮謹  
題為亟宜幫築月堤以資捍禦事該臣看得碭山縣黃河北  
岸吳家莊險工今歲秋汛水漲坍塌危險已經臣恭報秋  
汛疏內

題明在案今據淮徐道副使施世綸詳稱吳家莊壩臺單薄  
難以捲埽應加幫寬厚計長二百四十八丈三尺又估築  
月堤以為重門之障工長九百四十三丈二共估用土方  
銀八千四百六十五兩六錢六釐八毫請撥錢糧乘時價  
築前來臣覆覈無異除原冊送部查覈外臣謹具疏

題估并請撥發錢糧以便乘時備築底要工得資保固伏乞  
皇上睿鑒勅部議覆施行等因康熙三十九年十二月二十日  
題四十年正月二十五日奉

旨該部議奏欽此欽遵於正月二十六日抄出到部該臣等議  
得河道總督張鵬翮疏稱碭山縣黃河北岸吳家莊壩臺  
單薄難以捲埽應加幫寬厚計長二百四十八丈三尺又  
估築月堤以為重門之障工長九百四十三丈二共估用  
土方銀八千四百六十五兩六錢零請撥發錢糧以便乘  
時備築等因前來查該督既稱吳家莊壩臺單薄難以捲

埽應加幫寬厚并築月堤以為重門之障等語應如所題  
准其幫築所需工料銀兩移咨戶部撥給工完覈減造冊  
題銷可也康熙四十年二月初三日題本月初七日奉

旨依議欽此欽遵抄出到部移咨到臣准此當經檄行該道遵  
照備築去後今據准徐道僉事張弼詳稱吳家莊壩臺月  
壩工完覈減造冊詳銷等因到臣據此該臣看得吳家莊  
加幫壩臺估築月堤經臣

題估部覆應如所題幫築工完覈減造冊題銷等因奉

旨依議欽遵在案今據准徐道僉事張弼詳稱吳家莊壩臺原

估工長二百四十八丈三尺因下尾黃溜稍緩停修四十丈計省銀九十五兩二錢實幫工長二百八丈三尺又創築月堤工長九百四十三丈二共原估銀八千四百六十五兩六錢六釐八毫今工完覈減實銷銀七千五百三十三兩三錢六分六釐一毫二絲連停修共存節省銀九百三十二兩二錢四分六毫八絲委無浮冒造冊詳銷前來臣覆覈無異除原冊送部查覈外相應具疏

題銷伏乞

皇上勅部覈銷施行等因康熙四十一年九月初一日題本月

十七日奉

旨著察覈該部知道欽此欽遵於九月十八日抄出到部該臣等議得河道總督張鵬翮疏稱吳家莊加幫壩臺原估工長二百四十八丈三尺因下尾黃溜稍緩停修四十丈計省銀九十五兩二錢實幫工長二百八丈三尺又創築月堤工長九百四十三丈共用銀七千五百三十三兩三錢六分零連停修共存節省銀九百三十二兩二錢四分零委無浮冒等因前來查前項加幫壩臺創建月堤用過銀兩該督既稱委無浮冒等語應准開銷停修銀九十五兩

二錢節省銀八百三十七兩四分零俱貯庫為河工之用  
可也康熙四十一年九月二十四日題本月二十五日奉  
旨依議

兵部尚書兼都察院右都御史總督河道提督軍務臣張鳴翮謹  
題為淮黃交會謹陳善後三策務在得人以保河工事竊惟  
河性靡常相機修防全在得人然得人亦正未易也蓋河  
工事所難料河官人所畏為何以言之河官終日奔走河  
干祁寒暑雨不敢退避一遇水長親搯畚鍤露體塗足不  
敢言勞與地方官有司安居衙署者不同在有志之士鞠  
躬盡瘁以殫人臣之義亦有不敢畏難就易者獨是黃河  
水勢變遷無定工程雖堅而大溜衝刷濬河雖深而濁流  
易淤有非人力之所能挽回者加以河工潰做之後部臣

惡董安國之債事而定賠修之例臺臣又定半年限期催  
追不完即議降革故人視河官為畏途身膺是職者自知  
違轉無期追賠必有不得不起浮冒錢糧之念以為將來  
追賠之地因而工程遷延旋完旋壞叅罰日多以致前後  
牽混雖將誤工之人嚴行分處究無補於河工之實濟修  
工不休糜費錢糧職此之故臣愚以為當思變通之法使  
長才得以展布中才亦知奮勉自今河官宜做臺灣三年  
陞轉之例專管河務道廳官員修防有法工程無悞節省  
錢糧實心任事者三年俸滿河臣保題即予陞轉若三年

之內如實心修工設河流變遷非常非由人力之罪者河  
臣保題仍照舊例免其賠補庶人心不致畏縮鼓其公忠  
任事之氣如有怠廢河務虛冒錢糧劣員仍不時糾叅如  
此則遷轉有期咸思勉勵保固工程節省錢糧以感奮於  
功名之途有裨河道非淺鮮矣臣謹具

題伏乞

皇上睿鑒勅部議覆施行等因康熙四十年正月二十七日題

二月十五日奉

旨九卿詹事科道會議具奏欽此欽遵於二月十六日抄出到

部該臣等會議得河道總督張鵬翮疏稱河性靡常相機  
修防全在得人然得人亦正未易蓋河工事所難料河官  
人所畏為何以言之黃河水勢變遷無定工程雖堅大溜  
衝刷濬河雖深濁流易淤非人力所能挽回加以河工潰  
敵後部臣悉董安國之債事而定賠修之例臺臣又定半  
年限期催追不完即議降革故人視河官為畏途身膺是  
職自知遷轉無期追賠必有不得不起浮冒錢糧之念以  
為將來追賠之地因而工程遷延旋完旋壞修工不休糜  
費錢糧職此之故臣愚以為當思變通之法河官宜做臺

灣三年陞轉之例專管道廳官員修防有法工程無誤節省錢糧實心任事三年俸滿河臣保題即予陞轉若三年內實心修工設河流變遷非常非由人力之罪河臣保題仍照舊例免其賠補如有怠廢河務虛冒錢糧劣員仍不時糾叅如此則遷轉有期咸思勉勵保固工程節省錢糧有裨河道非淺鮮矣等因前來查康熙十五年定例內黃河堤岸定限一年運河堤岸定限三年如黃河堤岸半年內運河堤岸一年內衝決者將經修防守各官均行革職分司道官降四級調用總河降三級留任如黃河堤岸過

半年運河堤岸過一年限內衝決者將經修防守各官降  
三級調用分司道官降二級調用總河降一級留任如過  
限年衝決者將管河各官俱革職戴罪修築分司道官住  
俸督修工完開復總河罰俸一年又康熙二十三年定例  
內堤岸衝決河流遷徙者照例處分至河水漫缺河流不  
移者限年之內令經修之官賠修如過年限令防守之官  
賠修等因又康熙三十九年臺臣廖騰燿疏稱賠修工程  
日久並未報完請嚴定處分之例經工部議覆嗣後有堤  
岸衝決河流遷徙者仍照舊例處分外河流不移者將管

河各官俱革職戴罪勒限半年賠修分司道官俱各降四級督修工完開復如限內不完將承修官員革職分司道官降四級調用總河降一級留任未完工程仍令賠修見今應賠工程動帑修築者甚多將此應賠銀兩亦照賠修之例勒限處分等因各在案今該督雖稱河官修防有法工程無誤節省錢糧實心任事宜倣臺灣之例三年俸滿即予陞轉等語但查臺灣地處海島涉歷風濤故三年即陞此黃運兩河非臺灣可比且河官挑河修理堤岸俱係伊等專責應將該督所題三年俸滿即予陞轉之處毋容

議再河工關係重要所以堤岸衝決定有賠修之例甚明  
如免其賠補恐不肖河員將堤岸不行堅固修造防守官  
員怠玩亦未可定應將該督所請免賠之處亦毋容議康  
熙四十年三月初四日題四月二十日奉

旨依議

兵部尚書兼都察院右都御史總督河道提督軍務臣張鵬翮謹  
奏為欽奉

上諭事康熙四十年三月十三日接內閣中書鈔德納捧

旨到臣內閣康熙四十年三月初五日張鵬翮題請河員應照  
臺灣例用賠修錢糧應豁免等因據九卿會議不准行具  
題摺奏奉

旨這本收貯爾衙門著爾衙門能馳馬中書一員前往張鵬翮  
處張鵬翮悉知河務何處作為第一險要工程何處作為其  
次險工何處作為歲修工程詳加分晰逐段開明再何處衝

決應賠修何處衝決不應賠修之處一併定議具奏這本著  
差去中書帶來啟奏欽此欽遵臣跪聆之下仰見我

皇上慎重河工必得實心任事之人不拘文法俾得展布永保  
安瀾之績誠

國計民生之大幸也臣查江南徐屬廳邵隄廳宿虹廳桃源  
廳外河廳山安廳所管之黃河自碭山縣起至海口止頻  
年河身墊高一遇水發驚濤澎湃湍悍難禦江南裏河廳  
高堰廳山盱廳所管之湖河自石礪起至高家堰六壩止  
洪湖水勢洶湧一遇西風暴發巨浪如山處處堪虞裏河

廳所管運河自大墩起至淮關止面臨黃河背坐洪湖兩岸受險江南揚河廳所管運河自寶應黃浦起至邵伯更樓止襟帶三湖若遇大水湖河相連關係運道江南安清中河廳宿桃中河廳所管運河自古城起至仲莊關止逼近黃河土係虛沙且孫家集迤下于成龍創築子堤河身窄狹束水太緊因係已成之工不便廢棄以上俱屬第一險要工程其裏河廳所管運河自淮安起至涇河止揚河廳江防廳所管運河自灣頭起至瓜洲止宿桃中河廳所管中河自劉老澗起至張家莊止宿虹廳所管運河自支

河口起至窪灣迤南止邳睢廳所管運河自窪灣迤北起至貓兒窩迤北止以上俱屬其次險工江南險要工程每年必須修理者名為歲修工程如徐屬廳之郭家紫楊家窪楊橫莊小店長樊大壩狼矢溝吳家莊谷家莊等處邳睢廳之羊山寺董家堂威字堡三官廟戴家樓王家堂等處宿虹廳之蔡家樓彭家堡朱家莊大古城陳家道口等處宿桃中河廳之劉老澗上灣兜桃源廳之烟墩上渡口龍窩九里岡三岔七里溝雞嘴壩談家莊等處外河廳之湯董莊大菱陵韓家莊尹家莊柴市大車路口朱家溝新

港董家營湖家莊御板挑水壩等處山安廳之便益門鄭  
家馬頭時家馬頭等處江南黃運中三河及臨湖工程有  
頂衝埽灣及風暴打壞浪窩之處隨時補救名為搶修工  
程更有河性靡常倏爾變遷恐埽工不足捍禦或築越堤  
或幫裏戩或加幫高厚或挑引河或釘排椿或修石工或  
建閘壩名為大修工程總之水勢無定目前形勢如此將  
來或次險變為險要或險要變為次險亦未可定惟在因  
時制宜難以逆料若得實心任事之人不恤嫌怨不辭勞  
苦不避風雨相機修防或事出意外非由人力所致者無

論限內限外情實可原案查康熙二十三年十二月初一日奉

旨徐州長樊大壩等處雖經衝決河流未徙該管各官革職賠修俱著寬免欽遵在案嗣後第一險要工程應遵

旨免其賠修其次險工限外踈虞者照例不賠修限內踈虞者仍應賠修如此則賢者知所奮勵不肖者知所戒勉咸思保固工程不致虛糜帑金有裨河道匪淺鮮矣今三月初四等日高堰風暴大作臣親率河官搶修險工濤聲如雷巨浪濺衣身歷不測之地設有不虞身命介於俄頃河官

之勞苦臣所目擊藤九卿云臺灣地處海島涉歷風濤故  
三年即陞黃運西河非臺灣可比等語殊不知臺灣官員  
只赴任與去任時兩涉風濤耳河官每年挑伏秋三汛搶  
修防守常歷風濤之中較安居衙署者迥乎不同又云挑  
河修堤係河官專責而臺灣之受祿赴官者獨非職任所  
在乎且臣閱卽抄吏部議覆直隸撫臣李光地

題補子牙河主簿楊芳一疏如三年果能稱職照清河之例  
即行陞用等語此又有例可援者也蓋鼓勵勞員正欲保  
固河工節省帑金永保安瀾之績以仰副

皇上宵旰塵懷河工至意况臣行年五十三歲形神疲憊鬢髮  
蒼白三年為期甚遙保

題河官之時能保臣之尚在河工乎此亦可以白臣心之無  
私矣至於直隸除永定河外其餘工程及山東河南河官  
所管工程次於江南應仍照見行例行黃淮交會河工垂  
成仰荷我

皇上聖明獨斷睿慮精詳乃克有此臣謹遵  
旨敬陳末議伏乞

皇上乾斷施行

兵部尚書兼都察院右都御史總督河道提督軍務臣張鵬翮謹  
奏為欽奉

上諭事康熙四十年四月初四日內閣中書殷德納到清江浦  
維時臣在盱眙縣申家渡地方查勘淮河水勢情形聞報  
即星夜馳回於初六日到清江浦接內閣中書殷德納捧  
旨到臣內開康熙四十年三月二十六日大學士伊桑阿馬奇  
王熙吳瑛熊賜履張英學士法良早保希福納傅紳范承  
烈王九齡曹鑑倫等以九卿議覆總河張鵬翮題為河員  
應照臺灣之例叙用及懇免賠修錢糧等事母容議並分

浙險要歲修工程摺子奏請奉

旨據張鵬翮疏稱自碭山縣起至海口止湖河自石礪起至高  
家堰六壩止運河自大墩起至淮關止自寶應起至更樓止  
自古城起至仲莊閘止俱屬第一險要工程運河自淮安起  
至涇河止自灣頭起至瓜洲止自支河口起至貓兒窩迤北  
止中河自劉老澗起至張家莊止俱屬其次險工等語但水  
性靡常倏爾變遷歲修工程或變為險要險工淤塞即變為  
歲修督理此等工程各官內亦有實心効力奉行者然不無  
隨衆塞責之員豈可俱照臺灣之例一體叙用又疏稱九鄉

但知臺灣官員赴任去任俱有冒涉風濤之險殊不知風濤之險河員不時冒涉等語其臺灣官員定有歷俸三年即行陞遷之例本意迥殊並非僅為越海冒涉風濤起見張鵬翔未悉此意這事情前者九卿題覆會議准行與九卿無涉朕以事關更改條例難以遽為准行故遣人詢問此情節張鵬翔未嘗不知且河員見今俱係保題從優補授若將河員照臺灣之例叙用必致更改條例如此更改則吏兵工三部條例俱致更改矣今將河員若照臺灣之例叙用或仍補授河工員缺乎或陞補他省員缺乎若陞補他省則河工歷練之

員同時陞去獨剩新任之員有無裨益河工之處未經議及  
即今河員已經歷任二載其限三年自任事之日扣算或自  
今歲明歲扣算又疏稱伊行年五十三歲再過三載能保尚  
在河工等語如此則張鵬翮後接任河臣焉知從前官員賢  
否乃欲將河員遽為陞用此等情由並未聲明行令張鵬翮  
將三部條例逐一再行詳細確議具奏仍著原遣中書前去  
將九卿議覆准行稿抄寫令前往中書齋去著張鵬翮看欽  
此欽遵臣跪聆之下不勝悚惕切念河工潰敝之後荷蒙

我

皇上指授治河方畧明晰精詳乃致黃河漸次刷深中運二河  
深通糧艘逆行六壩全閉淮黃交會黃童白叟皆感頌我  
皇上如天之仁微臣受

聖主知遇深恩慚無報稱竊喜河工垂成鼓勵勞員盡心河務  
故援三年即陞之例

上請茲伏讀

聖諭仰見我

皇上至聖至明洞鑒深遠微臣愚陋見不及此河員若照臺灣

之例叙用誠如

聖諭非僅為風濤起見又必致更改條例如歷練之員或同時  
陞補他省誠恐新任之員未必盡諳河務倘蒙

俯允定例之後扣算三年為期甚遙其中並無過愆合例之人  
亦難多得且將來接任河臣未必盡知從前官員之賢否  
似應將照臺灣三年即陞之例照九卿母容議其河員之  
中有實心効力奉行者容臣於河工告成之日照例具

題請叙如怠廢河務侵冒錢糧者不時糾叅總之微臣受  
恩最深凡有闕河工之事雖一得之愚冒昧陳

請可否伏候

聖裁恭過我

皇上聖明在上恩同天地明並日月不加譴責容臣再行確議

具

奏不勝感激涕零臣謹具指付中書殷德納齋捧謹奏請

旨

兵部尚書兼都察院右都御史總督河道提督軍務臣張鵬翮謹  
題為欽奉

上諭事案准工部咨開本部等衙門會議河道總督張鵬翮疏  
稱清河縣運口至高郵州界首一帶裏河頻年黃水入運  
淤墊從未挑濬以致河身日高宜加挑濬深通臣前已面  
奏奉

旨俞允欽遵在案俟今冬糧船過盡即然壩挑濬一切進  
貢差使暫由陸行等語應如所奏一面興工一面將需用銀  
兩確估具題可也等因奉

旨依議速行欽此欽遵抄出到部移咨到臣准此當即檄行淮  
揚道估計去後今據淮揚道叅議王謙造冊詳估等因到  
臣據此該臣看得清河運口至高郵州界首一帶裏河頻  
年黃水內灌運河淤墊久未挑濬以致河身日高宜皆挑  
濬深通俟今冬糧船過盡即煞壩挑濬一切進

貢差使暫由陸行已經

奏明九卿議覆應如所奏等因奉

旨依議速行又於欽奉

上諭事案內具

奏擬於十一月十五日以前回空糧船過完熬壩將運河挑  
挖深通在案行據淮揚道參議王謀詳稱自張福口起歷  
清河山陽寶應三縣至高郵界首止應挑工段共長三萬  
一千一百七十九丈二尺共計土二百零三萬六千六十  
四方八分三釐連運達土並築攔河堤壩共估土方工料  
銀二十二萬六千八百四十八兩九錢五分五釐一毫七  
絲五忽造冊詳估前來臣覆覈無異委署揚河通判事揚  
糧通判王佐清河縣知縣金啟瑞山陽縣知縣顧鳴陽縣  
丞鮑學沛淮安衛守備洪奇寶應縣知縣張增鹽城縣知

縣鄭爲高郵知州謝廷瑞裏河同知常維楨等照所管工  
段承批准揚道叅議王謙監工除原冊送部查覈外相應  
具疏

題估查挑濬運河關係緊要所有需用錢糧請

勅部迅賜就近撥給以便乘時挑濬伏乞

皇上睿鑒勅部議覆施行等因康熙三十九年十月二十八日

題十一月十四日奉

旨該部速議具奏欽此欽遵於十一月十五日抄出到部該臣  
等議得河道總督張鵬翮疏稱自張福口起歷清河山陽

寶應三縣至高郵界首止應挑工段共長三萬一千一百七十九丈二尺共估土方工料銀二十二萬六千八百四十八兩九錢零委署揚河通判王佐等承挑淮揚道王謙監工所有需用錢糧請迅賜就近撥給以便乘時挑濬等因前來查先經河道總督張鵬翮將清河縣運口至高郵界首一帶裏河頻年黃水入運淤墊從未挑濬以致河身日高宜加挑濬深通俟今冬糧船過盡即煞壩挑濬一切進

貢差使暫由陸行等因具題經九卿會議應如所題一面與

工一面將需用銀兩確估具題等因覆准行文在案今該督既經估計具題應將所需銀兩移咨戶部就近撥給令該督乘時速行批濬工完之日將用過錢糧覈減造冊題銷可也康熙三十九年十一月十七日題本月二十一日奉

旨依議速行欽此欽遵移咨到臣准此當即備行該道催令委員領帑批究工完覈減造冊

題銷去後今據淮揚道叅議王謙等造冊詳請

題銷等因冊詳到臣據此該臣看得淮揚運河節年黃水淤

墊久未挑濬河身日高經臣

題請發帑興挑估土方工料銀二十二萬六千八百餘兩部  
議應將所需銀兩移咨戶部就近撥咨令臣乘時速行挑  
濬工完覈減題銷等因奉

旨依議速行欽遵在案今據淮揚道叅議王謙詳稱山清二縣  
運河原估長一萬八千九百九十八丈二尺估用土方銀  
一十三萬三千六百二十二兩三錢五分三釐九毫二絲  
五忽內除惠濟祠一帶因黃淮交會不便挑深暫停挑濬  
使運河頭與黃河河身一律相平庶清水得以兩分經臣

於煞壩疏內

題明在案迨煞壩斷流之際擇其河底突起土埂河灘積淤之處切削平坦外今通工查丈實挑過工長一萬七千六百一十二丈九尺實用土方并開壩銀九萬三千二百一十四釐五毫四絲二忽節省銀四萬六百一兩三錢四分九釐三毫八絲三忽又實應運河原估挑長一萬二千一百八十一丈并築壩估用土方銀九萬三千二百二十六兩六錢一釐二毫五絲今元工覈算實用銀六萬四千五百二十八兩八錢二分九釐六毫九絲節省銀二萬八千

六百九十七兩七錢七分一釐五毫六絲以上清河山陽  
寶應三縣運河共挑河長二萬九千七百九十三丈九尺  
共實用銀一十五萬七千五百四十九兩八錢三分四釐  
二毫三絲二忽較原估節省銀六萬九千二百九十九兩  
一錢二分九釐四絲三忽並無浮冒既據該道造冊詳銷  
前來臣覆覈無異除原冊送部查覈外相應

題銷伏乞

皇上勅部覈銷施行等因康熙四十年八月初三日題九月初  
一日奉

旨著察覈該部知道欽此欽遵於九月初二日抄出到部該臣  
等議得先經河道總督張鵬翮將自張福口起歷清河山  
陽寶應三縣至高郵界首止應挑工段共長三萬一千一  
百七十九丈二尺估銀二十二萬六千八百四十八兩九  
錢零等因具題經臣部覆准在案今據該督疏稱除惠濟  
祠一帶因黃淮交會不便挑深暫停挑濬止挑過河二萬  
九千七百九十三丈九尺用銀一十五萬七千五百四十  
九兩八錢三分零節省銀六萬九千二百九十九兩一錢  
二分零等因前來查原估挑河三萬一千一百七十九丈

二尺今挑過二萬九千七百九十三丈九尺停挑一千三百八十五丈三尺應存銀一萬四千八百二十四兩一錢八分零此外節省銀五萬四千四百七十四兩九錢零實  
用銀十五萬七千五百四十九兩八錢三分零准其開銷  
其存剩并節省銀兩貯庫為河工之用可也康熙四十年  
九月二十三日題本月二十五日奉

旨依議

兵部尚書兼都察院右都御史總督河道提督軍務臣張鵬翔謹  
題為欽奉

上諭事案准工部咨開本部等衙門會議河道總督張鵬翔疏  
稱高寶江都一帶西堤土石堤工於會勘案內估計修理  
在案今該督既稱宜修應准其修理將從前估修之處是  
否在內之處查明具題等因奉

旨依議速行欽遵等因移咨到臣准此當即轉行分別緩急確  
估去後今據淮揚道叅議王謙確估造冊等因詳報到臣  
據此該臣看得高寶江都一帶堤岸關係運道最為緊要

去夏水盛西堤盡淹河湖一片經臣

奏明俟冬時水落估計興修九卿議覆准其修理奉

旨依議速行欽遵在案今唐埂等六壩堵閉高寶江都西岫堤  
根漸次涸出行據淮揚道奏議王謙詳稱除寶應縣北城  
灣南唐埂五淺龍王廟江都西堤排椿等工尚屬可緩不  
計外查高郵州陸漫開西岸原係土堤每遇伏秋水長危  
險堪虞應建石工與永安界首二處石工上下相接以資  
捍禦計工長一千六百二十五丈五尺估用工料夫匠銀  
十六萬四千九百五十九兩六分六毫五絲江都西堤殘

缺石工二百四十四段共長一千二百二十七丈五尺亟  
應補修以資捍禦估用工料銀二萬九千一百四十五兩  
八錢五分三釐九毫高郵州東堤朱家田頭單薄危險急  
應下埽壅土工長四十八丈估用工料銀四千四百一十  
九兩一錢六分八釐清水潭草大王廟東堤裏口險工舊  
埽年久朽爛堪虞應宜下埽加土以禦風浪計工長一百  
五十丈估用工料銀二千八百四兩九錢二分五釐又金  
灣三閘裏頭磯心倒卸不堪亟應脩理估用工料銀一千  
二百六十五兩八錢七分八毫以上各工不在從前估修

之內又永安東堤裏口龍門北灣險工計工長一百丈估  
用工料銀一千六百六十八兩六錢五釐又永安東堤龍  
門南北灣裏口坍卸險工計工長一百二十六丈估用銀  
一千八百九兩九分七釐此二工查係前河臣于成龍等  
委主事孫叔詒筆帖式恭保等幫築完工復被風浪撞掣  
坍卸不堪難資捍禦例應賠修若候催提到工始行補築  
勢必遲誤亟應先發帑銀修築完日叅追還項以上估修  
七工共須工料銀二十萬六千七十二兩五錢八分三毫  
五絲查無浮冒等因前來臣覆覈無異除原冊送部查覈

外臣謹具疏

題估併請迅撥錢糧以濟緊要工程之用伏乞

皇上睿鑒勅部議覆施行等因康熙四十年正月十七日題二  
月初一日奉

旨該部速議具奏欽此欽遵於二月初二日抄出到部該臣等  
議得河道總督張鵬翮疏稱高郵州陸漫間西畔原屬土  
堤每遇伏秋水長危險堪虞應建石工長一千六百二十  
五丈五尺江都縣西堤殘缺石工長一千二百二十七丈  
五尺高郵州東堤朱家田頭工長四十八丈清水潭東堤

裏口險工長一百五十丈金灣三閘裏頭磯心共估銀二十萬二千五百九十四兩八錢零請迅撥錢糧以濟緊要工程之用等語查先經該督將高寶江都一帶西岫土石堤工宜修等因具題經九卿會議覆准在案今既經該督估計具題應如所題令其乘時修建所需銀兩移咨戶部速行就近撥給工完之日覈減造冊題銷又疏稱永安東堤裏口龍門北灣險工長一百丈永安東堤龍門南北灣裏口險工長一百二十六丈共估銀三千四百七十七兩零此二工係前河臣于成龍等委主事孫叔詒筆帖式奏

保等幫築完工復被風浪撞掣坍塌不堪例應賠修若俟  
催提到工始行補築勢必遲誤應先發帑銀修築完日叅  
追還項等語亦照所題准其動帑修築將需用銀兩移咨  
戶部撥給將此用過銀兩於孫叔詒等名下照例追取還  
項可也康熙四十年二月初四日題本月初七日奉

旨依議速行欽此欽遵抄出到部移咨到臣准此隨行淮揚道  
遵照備修工完報銷去後今據淮揚道叅議王謙造冊詳  
請

題銷等因到臣據此該臣看得高郵東堤朱家田頭清水潭

東堤裏口永安龍門北灣龍門南北灣四工江都西堤殘  
缺金灣開陸漫開等處石工原估銀二十萬二千五百九  
十四兩八錢零經臣具

題部覆應如所題撥給帑銀乘時修建工完覈減造冊題銷  
等因奉

旨依議速行欽遵在案今據淮揚道叅議王謙詳稱江都西堤  
殘缺金灣開陸漫開等處石工見在修砌俟完日另冊報  
銷今查朱家田頭工長四十八丈清水潭東堤裏口工長  
一百五十丈永安東堤龍門北灣工長一百丈龍門南北

灣工長一百二十六丈四工原估銀一萬七百一兩七錢  
九分五釐今工完覈減實銷銀八千七百八十九兩八錢  
九分五釐節省銀一千九百一十一兩九錢並無浮冒再

查龍門南北灣二工原

題冊開候補主事孫叔詒等應追少土銀兩今止據孫叔詒  
照數全完陳岱完過銀五十二兩一錢三分六釐其餘並  
未完交相應開列詳報係旗人交該旗都統係漢人交該  
省巡撫照追還清項等因造冊詳報前來臣覆覈無異除  
原冊送部查覈外相應具

題伏乞

皇上勅部覈銷施行等因康熙四十一年三月初八日題本月  
二十五日奉

旨著察覈該部知道欽此欽遵於三月二十六日抄出到部該  
臣等議得河道總督張鵬翮疏稱高郵州東堤朱家田頭  
工長四十八丈清水潭東堤工長一百五十丈永安東堤  
龍門北灣工長一百丈龍門南北灣工長一百二十六丈  
四工原估銀一萬七百一兩七錢九分零今實銷銀八千  
七百八十九兩八錢九分零節省銀一千九百一十一兩

九錢並無浮冒等因前來查前項修築堤工所用銀兩該督既稱並無浮冒等語應准開銷節省銀兩貯庫為河工之用查此內主事孫叔詒等應追銀止一千五百九十五兩三錢九分零銀數不符應行該督作速查明分賠可也  
康熙四十一年四月十四日題本月十六日奉

旨依議

兵部尚書兼都察院右都御史總督河道提督軍務臣張鵬翔謹  
題為欽奉

上諭事准工部咨前事該臣看得江都西堤石工殘缺金灣三  
閘裏頭磯心損壞經臣彙

題估計補修部覆應如所題工完覈減造冊題銷等因奉

旨依議速行欽遵在案今據淮揚道叅議王謙詳稱江都西堤  
殘缺石工長一千二百二十七丈五尺原估銀二萬九千  
一百四十五兩八錢五分三釐九毫今工完實用銀二萬  
五千九百一兩七錢六釐四毫八絲節省銀三千二百四

十四兩一錢四分七釐四毫二絲金灣三間裏頭礮心原  
估銀一千二百六十五兩八錢七分八毫今工完實用銀  
一千三兩六錢二分三釐七毫二絲節省銀二百六十二  
兩二錢四分七釐八絲委無浮冒等因造冊詳銷前來臣  
覆覈無異除原冊送部查覈外相應具

題伏乞

皇上勅部覈銷施行等因康熙四十一年閏六月十二日題本  
月二十九日奉

旨著察覈工部知道欽此欽遵於七月初一日抄出到部該臣

等議得河道總督張鵬翔疏稱江都西堤石工殘缺金灣  
三閘裏頭磯心損壞經臣題修原估銀三萬四百一十一  
兩七錢零今工完實用銀二萬六千九百五兩三錢三分  
零節省銀三千五百六兩三錢九分零委無浮冒等因前  
來查前項用過銀兩該督既稱委無浮冒等語應准開銷  
節省銀兩貯庫為河工之用可也康熙四十一年七月十  
九日題本月二十四日奉

旨依議

兵部尚書兼都察院右都御史總督河道提督軍務臣張鵬翮謹  
題為欽奉

上諭事案准工部咨開都水清吏司案呈奉本部送工科抄出  
該本部覆河道總督張鵬翮題前事等因康熙四十年正  
月十七日題二月初一日奉

旨該部速議具奏欽此欽遵於二月初二日抄出到部該臣等  
議得河道總督張鵬翮疏稱高郵陸漫閘西岍應建石工  
江都縣西堤殘缺石工金灣三閘裏頭磯心估用銀兩請  
迅撥錢糧查先經該督將高寶江都一帶西岍土石堤工

宜修經九卿會議覆准在案今既經估計具題令其乘時  
修建所需銀兩移咨戶部速行就近撥給工完之日覈減  
造冊題銷康熙四十年二月初四日題本月初七日奉

旨依議速行欽此欽遵抄出到部移咨到臣准此當即轉行淮  
揚道委員領帑辦料興修在案又復親往查勘見陸漫閘  
估修石工處所因六壩堵後土基漸次涸出的改高寬土  
堤內外估鑲丁埽儘可收束運河水勢節省錢糧隨檄行  
該道確估去後今據淮揚道叅議王謙造冊詳估等因到  
臣據此該臣看得高郵陸漫閘西岍閘係糧艘經由要道

經臣

題建石工一道長一千六百二十五丈五尺估用工料匠夫銀一十六萬四千九百五十九兩六分零工部議覆應如所題就近撥帑修建奉

旨依議欽遵轉行在案今因磨埂等壩堵閉湖水消涸改築土堤內外鑲柴足資捍禦且可節省錢糧據淮揚道奏議王謙詳估土堤長一千六百二十五丈五尺頂寬五丈底寬八丈高九尺一丈不等內外鑲柴共需工料土方銀三萬九百四十五兩五錢六釐二毫五絲較石工可省銀十三

萬四千餘兩等因造冊詳估前來臣覆覈無異除原冊送部查覈外相應具疏

題估伏乞

皇上睿鑒勅部議覆施行等因康熙四十年十月十三日題本月二十八日奉

旨該部議奏欽此欽遵於十月二十九日抄出到部該臣等議得先經河道總督張鵬翮將高郵州陸漫湖西岍應建石工長一千六百二十五丈五尺估銀一十六萬四千九百五十九兩零等因具題經臣部覆准建砌石工所需銀兩

移咨戶部撥給在案今據該督疏稱唐埂等六壩堵閉湖水消涸改築土堤內外鑲柴足資捍禦共需工料土方銀三萬九百四十五兩五錢零較石工省銀十三萬四千餘兩等因前來查高郵陸漫開西岸該督既稱改築土堤內外鑲柴足資捍禦等語應如所題改築土堤其省存銀一十三萬四千一十三兩五錢五分零存貯為河工之用可也康熙四十年十一月十二日題十一月二十二日接內

閣中書永奇捧

旨到臣內開工部議覆總河張鵬翮請將高郵州陸漫開西岸

改築土堤一事於康熙四十年十一月十四日大學士伊  
桑阿馬奇吳璵熊賜履學士辛保傅紳來道常壽來福范  
承烈曹鑑倫等摺本啟奏奉

旨陸漫閘西岸改築土堤內外鑲柴見今錢糧雖省但蘆柴易  
致朽爛不能堅久二三年後又致重修張鵬翮在任時雖無  
可虞若張鵬翮或離任或淮黃水漲有陰危之處鑲柴工程  
朽爛豈不更難著將這情由備寫差員前往張鵬翮處令其  
確議具奏欽此欽遵臣跪誦之下仰見哉

皇上至聖至明區畫深遠無微不至臣愚先因湖水消落將陸

漫開西岸石工改築土堤內外銀柴原從節省錢糧起見

臣今跪誦

俞旨蘆柴易致朽爛不能堅久二三年後又致重修

聖主睿鑒甚明應仍修石工以垂永久以資捍禦臣謹遵

旨確議奏

聞伏乞

皇上睿鑒施行十二月十二日奉

旨遣人問張鵬翮今奏稱陸漫開西岸應仍修石工以垂永久

以資捍禦等語著修石工奏摺并發

兵部尚書兼都察院右都御史總督河道提督軍務臣張鵬翮謹  
題為欽奉

上諭事案准工部咨開本部等衙門會議河道總督張鵬翮疏  
稱高郵城南石壩於秋盡水落照前河臣所估將五壩改  
為四滾水壩辦料興修於壩下開引河使水有去路等語  
查先經原任總河于成龍將高郵五減水壩改為滾水石  
壩等因具題經九卿會議行令將需用錢糧估計具題在  
案應如該督所奏一面興工一面將需用銀兩確估具題  
可也等因奉

旨依議速行欽此欽遵抄出到部移咨到臣准此當即檄行該道速行估計催修去後今據淮揚道叅議王謙詳估到臣據此該臣看得高郵城南減水五壩原任河臣于成龍

題改滾壩四座臣親往查勘見高郵湖水洶湧徑由城南壩上而出以勢漸遠不能滙入人字河而洩宜於秋蓋水落照前河臣所估將五壩改為四滾水壩於壩下開引河使水有去路不致旁溢經臣於應修石工疏內

奏明九卿議覆應如所奏等因奉

旨依議速行欽遵轉行去後今據淮揚道叅議王謙詳估南閘

大壩迤南邊建大滾壩一座仍長六十六丈估銀二萬三千三百六十九兩八錢二分二釐八毫車邊壩迤南邊建大滾壩一座長六十四丈估銀二萬二千七百四十五兩九錢五分二釐八毫實堵南關並栢家墩二大壩共估埽料土方銀一萬五千五百八十八兩九錢六分俱係據實確估並無浮冒等因冊估前來臣親勘覆覈無異除原冊送部查覈外理合具疏

題估其五里八里二小壩見在堵閉應暫緩修理俟二滾水大壩修完應否修砌相機再為

題估壩下引河之處因有水占難以探量俟水退之後逐段  
估計另疏具

題至寶堵南關柏家墩二大壩亦必俟遷建二大壩工成之  
日方可堵築相應一併聲明再照各壩亟應及時修建以  
資宣洩難以緩待所有需用工料錢糧仰請

勅部迅賜就近撥給以便乘時修建伏乞

皇上勅部議覆施行等因康熙三十九年十月二十八日題十  
一月十四日奉

旨該部速議具奏欽此欽遵於十一月十五日抄出到部該臣

等議得河道總督張鵬翮疏稱南關大壩迤南建大滾壩一座長六十六丈車邏壩迤南建大滾壩一座長六十四丈并堵南關柏家墩二大壩共估銀六萬一千七百四兩七錢零其五里八里二小壩見在堵閉應暫緩修理俟二滾壩修完應否修砌相機再為題估壩下引河之處因有水占難以探量俟水退後逐段估計另疏具題所有需用錢糧請迅賜就近撥給以便乘時修建等因前來查先經河道總督張鵬翮將高郵城南石壩於秋盡水落照前河臣所估將五壩改為四滾水壩於壩下挑引河使水有去

路等因具題經九卿會議覆准行文在案今該督既經估  
計具題應將需用錢糧移咨戶部就近撥給速行堅固建  
造工完覈減造冊題銷至五里八里等處滾壩并壩下引  
河該督既稱另疏具題等語應俟具題到日再議可也康  
熙三十九年十一月十七日題本月二十一日奉

旨依議速行欽此欽遵抄出到部移咨到臣准此當即檄行該  
道催令委員領帑辦料修建去後今據淮揚道叅議王謙  
造冊詳銷等因到臣據此該臣看得高郵南關迤南車邏  
迤南遷建滾壩并堵南關柏家墩二大壩經臣

題估部覆應行建造工完覈減造冊題銷奉

旨依議速行欽遵在案今據淮揚道奏議王謙詳稱除南關柘  
家墩二大壩照見在情形另詳改估外查南關迤南滾壩  
原估工料銀二萬三千三百六十九兩八錢二分二釐八  
毫今工完覈減實用銀二萬一千三十二兩八錢四分八  
毫節省銀二千三百三十六兩九錢八分二釐車運迤南  
滾壩原估工料銀二萬二千七百四十五兩九錢五分二  
釐八毫今工完覈減實用銀二萬四百七十一兩三錢六  
分六釐八毫節省銀二千二百七十四兩五錢八分六釐

委無浮冒等因冊詳前來臣覆覈無異除原冊送部查覈  
外相應

題銷伏乞

皇上勅部議覆覈銷施行等因康熙四十一年閏六月二十一日題七月十二日奉

旨著察覈該部知道欽此欽遵於七月十三日抄出到部該臣  
等議得河道總督張鵬翮疏稱高郵南關建滾壩一座原  
估銀四萬六千一百一十五兩七錢零今實用銀四萬一  
千五百四兩二錢零節省銀四千六百一十一兩五錢六

分零等因前來查前項建築滾壩原估冊內並未開用留  
樞草束白麻今開有留樞草束白麻價銀二百三十四兩  
一錢八分零又石塊灰斤汁米釘木比原估多用銀一百  
二十六兩八錢零應將實用銀四萬一千一百四十三兩  
二錢准其開銷節省銀四千六百一十一兩五錢六分貯  
庫為河工之用其比原估多用留樞石塊等項銀兩應行  
該督查明覈減報部可也康熙四十一年八月初四日題  
本月十一日奉

旨依議

兵部尚書兼都察院右都御史總督河道提督軍務臣張鳴鶴謹  
題為欽奉

上諭事准工部咨前事該臣看得高郵南關車道修建滾水壩  
二座并堵南關柏家墩二舊壩需用錢糧經臣具

題估計部覆奉

旨俞允欽遵在案今據淮揚道叅議王謙詳稱南關車道遠建  
滾水二壩已經修完造冊

題銷在案其南關柏家墩二舊壩正宜及時堵塞但查前估  
計時一片汪洋水勢甚大必須長椿大埽方能堵閉費料

繁多故估料物土方銀一萬五千五百八十八兩九錢六  
分今高堰六壩久堵揚屬水勢消落遵照改估止需料物  
土方銀三千三百九十一兩五錢三分四釐較比前估節  
省銀一萬二千一百九十七兩四錢二分六釐催貯河庫  
以為別工之用等因前來臣覆覈無異除原冊送部查覈  
外相應具疏

題明伏乞

皇上睿鑒施行等因康熙四十一年閏六月二十八日題七月  
二十一日奉

旨工部知道欽此欽遵於七月二十二日抄出到部該臣等議  
得河道總督張鵬翮疏稱堵塞高郵南閘柏家墩二舊壩  
前估計時一片汪洋水勢甚大費料繁多故估用銀一萬  
五千五百八十八兩九錢零今高堰六壩久堵水勢消落  
改估止需銀三千三百九十一兩五錢零較比前估省銀  
一萬二千一百九十七兩四錢零等因前來查堵塞高郵  
柏家墩二舊壩該督既稱今水落改估止需銀三千三百  
九十一兩五錢零等語應行該督作速堵塞堅固工完之  
日將用過銀兩造具細冊題銷具省存銀兩貯庫為河工

之用可也康熙四十一年八月初九日題本月十三日奉  
旨依議

兵部尚書兼都察院右都御史總督河道提督軍務臣張鵬翮謹  
題為欽奉

上諭事康熙四十年正月初六日准工部咨開都水清吏司案  
呈奉本部送工科抄出河道總督張鵬翮題前事等因康  
熙三十九年十二月初二日題本月二十日奉

旨這本內事情著照該督所題行該部知道欽此相應行文總  
河知照可也等因移咨到臣准此案查康熙三十九年十  
二月初二日准工部咨為欽奉

上諭事內開本部議覆河道總督張鵬翮疏稱高郵南關大壩

迤南車運壩迤南各建大滾水壩一座并堵南關柏家墩  
二大壩共估銀六萬一千七百四兩七錢零其五里八里  
二小壩見在堵閉應暫緩修俟二滾壩修完應否修砌相  
機再為題估壩下引河之處因有水占難以探量俟水退  
後逐段估計另疏具題等因應將需用錢糧撥給至五里  
八里等處深壩并壩下引河該督既稱另疏具題等語應  
俟具題到日再議奉

旨依議速行欽遵在案俱經備行該道轉行該管河廳等官估  
計去後令據淮揚道叅議王謙造冊呈詳合候憲覈

題估發帑挑挖等因冊詳到臣據此該臣看得高郵城南南  
關車運二壩經臣

題估改建滾壩二座壩下引河因水占難以探量俟水退後  
逐段估計另疏具

題部覆應俟具題到日再議奉

旨依議速行在案又高郵滾壩洩下之下由興化縣安豐鎮至  
白駒以達於海今自鮑家莊至白駒八十餘里地高水壅  
宜並挑濬引水由白駒場入海需用銀兩擬於加捐銀內  
動用具

題奉

旨這本內事情著照該督所題行欽遵轉行確估去後今據淮  
揚道叅議王謙詳估高郵南關大壩以下自攔馬河起至  
朱三家橋止應挑引河一道長三百九十一丈估土方銀  
三千九十六兩七錢二分車運壩以下自攔馬河起至齊  
家莊止應挑引河一道長三百三十丈估土方銀二千六  
百一十三兩六錢興化之海溝河自鮑家莊起至白駒關  
止共長一萬四千四百八十七丈加挑寬深估土方工料  
銀三萬六千四百五十六兩六分五毫道共估銀四萬二

千一百六十六兩三錢八分五毫並無浮冒造冊詳送前  
來臣覆覈無異除照數動支加捐銀兩委揚州府管河通  
判楊兆僑糧河通判王佐興化縣知縣王渭鼎等作速挑  
挖委淮揚道叅議王謙監工備挑並估冊送部查覈外相  
應具

題伏乞

皇上勅部議覆施行等因康熙四十年六月初八日題七月初  
四日奉

旨該部知道欽此欽遵於七月初五日抄出到部該臣等議得

先經河道總督張鵬翮將高郵南關車邏二減壩改建滾水壩銀兩估計其壩下挑挖引河俟水退另行題估又以高郵滾壩下之水由興化縣安豐鎮至白駒以達於海其自鮑家莊至白駒八十餘里地高水壅亟宜挑濬等因具題奉

旨著照該督所題行欽遵在案今據該督疏稱高郵南關大壩以下自攔馬河起至朱三家橋止挑引河長三百九十一丈車邏壩以下自攔馬河起至齊家莊止挑引河長三百三十丈又興化海溝河自鮑家莊起至白駒關止加挑寬

深長一萬四千四百八十七丈共估銀四萬二千一百六十六兩三錢零動支加捐銀兩委揚州府管河通判楊兆倫等挑挖淮揚道王謙監工等因前來查前項挑河需用銀兩既經該督估計具題應令其速行挑濬工完覈減造冊題銷可也康熙四十年七月十九日題八月初二日奉旨依議欽此欽遵抄出到部移咨到臣准此當經備行該道遵照速行挑濬工完覈減造冊詳銷去後今據淮揚道叅議王謙造冊詳銷等因到臣據此該臣看得高郵南關大壩并車邏壩下引河及興化縣海溝河加挑寬深共估銀四

萬二千一百六十六兩三錢八分五毫經臣

題估部覆速行挑濬覈減造冊題銷奉

旨依議欽遵轉行備挑去後今據淮揚道叅議王謙詳稱估挑

高郵南關大壩車運壩引河工完覈減實用過銀五千一

百三十九兩二錢八分八釐節省銀五百七十一兩三分

二釐興化縣海溝河工完覈減實用過土方工料銀三萬

一千一十八兩九錢四分二釐五毫節省銀五千四百三

十七兩一錢一分八釐二共實用銀三萬六千一百五十

八兩二錢三分五毫節省銀六千八兩一錢五分委無浮

冒等因冊詳前來臣覆覈無異除原冊送部查覈外相應  
題銷伏乞

皇上初部覈銷施行等因康熙四十一年五月十一日題六月  
初二日奉

旨著察覈工部知道欽此欽遵於六月初三日抄出到部該臣  
等議得先經河道總督張鵬翮將高郵南關大壩并車邏  
壩下挑挖引河及興化縣海溝河加挑寬深估計具題臣  
部覆令速行挑濬工完覈減造冊題銷在案今據該督疏  
稱原估銀四萬二千一百六十六兩三錢八分零實用銀

三萬六千一百五十八兩二錢零節省銀六千八兩一錢  
五分委無浮冒等因前來查前項銀兩該督既稱委無浮  
冒應准開銷節省銀兩貯庫為河工之用可也康熙四十  
一年六月二十日題本月二十二日奉

旨依議